

Bagi pastikan mereka datang tepat pada waktunya



■ DATUK MUSA HITAM

Bahan asal dari Arkib  
Negara Malaysia

# Jaminan akan kaji masalah pengangkutan

**KUALA LUMPUR, Khamis** — Timbalan Perdana Menteri, Datuk Musa Hitam memberi jaminan akan mengkaji masalah pengangkutan yang dihadapi oleh setengah-kakitangan Kerajaan bagi memastikan mereka datang tepat pada waktunya.

Bellau memberi jaminan demikian kepada perwakilan Cuepac yang mengunjungi pejabat bellau di Kementerian Dalam Negeri sebagai 'kunjungan hormat'.

Menurut Presiden Cuepac, Encik T. Narendran, Datuk Musa memahami keadaan yang dialami oleh setengah kakitangan Kerajaan untuk datang ke pejabat dengan pengangkutan awam.

"Timbalan Perdana Menteri menyatakan akan memberi

perhatian dalam masalah tersebut bagi memastikan rancangan untuk melahirkan Kerajaan yang licin dan berkesan tercapai," katanya.

Wakil Cuepac seramai tujuh orang telah membincangkan masalah umum yang dihadapi oleh kakitangan Kerajaan dalam memenuhi hasrat Kerajaan tersebut.

Mereka juga memberi sokongan penuh kepada Kerajaan baru dalam kempen untuk melahirkan jentera Kerajaan yang berkesan dan produktif.

Katanya, Cuepac memberi jaminan bukan sahaja dengan cakap tetapi juga dengan perbuatan kerana dengan cakap sahaja ia tidak berguna.

Dengan demikian, kata Encik Narendran, pihak Kerajaan hendaklah berunding terlebih dulu dengan pihak kesatuan agar tujuan Kerajaan tersebut difahami.

"Ini boleh dilakukan melalui seminar-seminar diadakan antara MAMPU atau lain-lain

badan Kerajaan yang berkaitan," jelas bellau.

Bellau menerangkan betapa payahnya untuk mengendalikannya lebih kurang 500,000 kakitangan Kerajaan yang mana katanya, "Ia amat berbeza dengan sektor swasta kerana kakitangan mereka bilangannya kecil sahaja."

Pemimpin Cuepac tersebut menyatakan juga bahawa kepimpinan yang baik hendaklah ditunjukkan oleh pegawai-pegawai atasan sendiri.

Mengenai sistem pentadbiran sekarang, Encik Narendran mengesyorkan kepada Kerajaan agar mengadakan perubahan yang mana golongan profesional sahaja yang diberi kuasa pengurusan bukan para pentadbiran umum.

Katanya, sistem yang ada sekarang kurang memuaskan kerana para profesional tidak diberi hak mengurus menyebabkan golongan tersebut tidak puas hati.